

Član 3.

(Reализација Одлуке)

За реализацију ове одлуке задужују се Министарство финансија и трезора БиХ и Министарство цивилних послова БиХ.

Član 4.

(Ступање на снагу)

Ова одлука ступа на снагу даном доношења и објављује се у "Службеном гласнику БиХ".

СМ број 188/14
27. новембра 2014. године
Сарајево

Предсједавајући
Савјета министара БиХ
Вјекослав Беванди, с. р.

1437

Na osnovu člana 17. Zakona o Vijeću ministara Bosne i Hercegovine ("Službeni glasnik BiH", br. 30/03, 42/03, 81/06, 76/07, 81/07, 94/07 i 24/08) i člana 85. stav (12) Zakona o javnim nabavkama ("Službeni glasnik BiH", broj 39/14), Vijeće ministara Bosne i Hercegovine, na prijedlog Agencije za javne nabavke Bosne i Hercegovine, uz prethodnu saglasnost Odbora Agencije za javne nabavke Bosne i Hercegovine, na 113. sjednici održanoj 27.11.2014. godine, donijelo je

UPUTSTVO O USPOSTAVLJANJU I VODENJU SISTEMA KVALIFIKACIJE

Član 1.

(Predmet)

- (1) Ovim uputstvom se uređuju uslovi i načini uspostavljanja i vođenja sistema kvalifikacije u skladu sa članom 85. Zakona o javnim nabavkama ("Službeni glasnik BiH", broj 39/14), (u daljem tekstu: Zakon).
- (2) Sistem kvalifikacije može uspostaviti i voditi sektorski ugovorni organ iz člana 5. Zakona.

Član 2.

(Definicija)

Sistem kvalifikacije je sredstvo za formiranje i vođenje liste kandidata koji zadovoljavaju kvalifikacione kriterije i pravila tokom perioda trajanja sistema kvalifikacije, koji se može koristiti kao pretkvalifikaciona faza ograničenog postupka ili pregovaračkog postupka s objavom obaveštenja o nabavci.

Član 3.

(Područje primjene sistema kvalifikacije)

- (1) Sektorski ugovorni organ može uspostaviti različite sisteme kvalifikacije za različite robe, usluge ili radove.
- (2) Sistem kvalifikacije se može uspostaviti i voditi za robe, usluge ili radove za koje sektorski ugovorni organ ima potrebu na učestaloj ili redovnoj osnovi s ciljem skraćivanja vremenskih rokova za dodjelu ugovora.
- (3) Sektorski ugovorni organ može navesti robe, usluge ili radove koje pokriva sistem u obliku zasebnih roba, usluga ili radova ili ih može definirati kroz lotove (grupe). Grupe treba definirati upotrebotom objektivnih kriterija.
- (4) U obaveštenju o postojanju sistema kvalifikacija ili u dokumentaciji koja se tiče sistema kvalifikacije, sektorski ugovorni organ navodi da li se zahtijevaju pojedinačni elementi koje pokriva sistem ili grupe koje su definirane u sistemu.

Član 4.

(Nivoi kvalifikacija)

- (1) Sektorski ugovorni organ može predvidjeti da kvalifikacije uključuju jedan ili više nivoa kvalifikacije.

- (2) Ukoliko kvalifikacije uključuju više od jednog nivoa kvalifikacije, sektorski ugovorni organ uključuje slijedeće podatke u dokumentaciju koja se odnosi na sistem kvalifikacije:
 - a) broj nivoa kvalifikacije;
 - b) slučajevi u kojima nivoi kvalifikacija mogu biti upotrijebljeni;
 - c) kvalifikacione kriterije koji se koriste na različitim nivoima kvalifikacije.
- (3) Kandidati koji se nisu kvalifikovali u početni nivo kvalifikacije, ne mogu se kvalifikovati u naredne nivoe kvalifikacije.

Član 5.

(Proceduralna pravila za uspostavljanje i vođenje sistema kvalifikacije)

- (1) Prilikom uspostavljanja i vođenja sistema kvalifikacije sektorski ugovorni organ preduzima slijedeće:
 - a) donosi odluku o uspostavljanju i vođenju sistema kvalifikacije;
 - b) priprema dokumentaciju koja se odnosi na sistem kvalifikacije;
 - c) objavljuje obaveštenje o uspostavljanju sistema kvalifikacije;
 - d) dostavlja zainteresovanim kandidatima dokumentaciju koja se odnosi na sistem kvalifikacije;
 - e) obaveštava kandidata u pisanoj formi o odluci koju je donio o kvalifikaciji kandidata;
 - f) formira i vodi listu kandidata koje poziva za učešće u postupku javne nabavke kada ima potrebu za robama, uslugama ili radovima koji su predmet sistema kvalifikacije;
 - g) ažurira listu kandidata tokom perioda trajanja sistema kvalifikacije na način da dodaje kandidate koji su se u međuvremenu kvalifikovali, odnosno da briše kandidate koji su u međuvremenu izgubili kvalifikaciju.
- (2) Sektorski ugovorni organ imenuje ovlaštenu osobu za provođenje aktivnosti iz stava (1) ovog člana. Sektorski ugovorni organ može dodijeliti aktivnosti iz tač. b) i e) stava (1) ovog člana komisiji za nabavke u skladu sa članom 13. Zakona.

Član 6.

(Pokretanje uspostavljanja sistema kvalifikacije)

Sektorski ugovorni organ pokreće uspostavljanje sistema kvalifikacije donošenjem odluke u pisanoj formi koja obavezno sadrži:

- a) pravni osnov za uspostavljanje sistema kvalifikacije;
- b) robe, usluge i radove na koje će se sistem kvalifikacije primjenjivati;
- c) period trajanja sistema kvalifikacije.

Član 7.

(Obaveštenje o uspostavljanju sistema kvalifikacije)

- (1) Obaveštenje o uspostavljanju sistema kvalifikacije predstavlja obaveštenje kojim se zainteresovani kandidati pozivaju da dostave zahtjeve za kvalifikaciju.
- (2) U skladu sa Uputstvom o uslovima i načinu objavljivanja obaveštenja i dostavljanja izvještaja u postupcima javnih nabavki u Informacionom sistemu "E-nabavke" ("Službeni glasnik BiH", broj 90/14), obaveštenje iz stava (1) ovog člana, kako je primjereno, sadrži podatke o:
 - a) sektorskog ugovornom organu, adresi za dostavljane zahtjeva za kvalifikaciju, preuzimanju dokumentacije i dodatnim informacijama;
 - b) zajedničkoj nabavci ili nabavci u ime drugih ugovornih organa;

- c) predmetu sistema kvalifikacije;
- d) lotovima, u slučaju podjele na lotove;
- e) predmetu sistema kvalifikacije iz Jedinstvenog rječnika javne nabavke u skladu sa članom 38. stav (2) Zakona;
- f) trajanju sistema kvalifikacije;
- g) uslovima koje ponuđači treba da ispune u pogledu njihovih kvalifikacija kao i način prema kojima će svaki od tih uslova biti provjerjen. Kada je opis uslova i načina provjere uslova opširan, dovoljno je dati sažetak te uputiti na dokumentaciju koja se odnosi na sistem kvalifikacije;
- h) rezervisanim ugovorima, kada je to prikladno;
- i) kriteriju za dodjelu ugovora;
- j) dodatne informacije, ako postoje.

Član 8.

(Dokumentacija koja se odnosi na sistem kvalifikacije)

- (1) Dokumentacija koja se odnosi na sistem kvalifikacije sadrži:
 - a) obavještenje o uspostavljanju sistema kvalifikacije;
 - b) kvalifikacijske kriterije i pravila, te načine njihove provjere;
 - c) uputu o načinu podnošenja zahtjeva za učešće u sistemu kvalifikacije;
 - d) uslove i metode za zaštitu povjerljivih podataka u skladu sa članom 11. Zakona.
- (2) Dokumentacija iz stava (1) ovog člana dostupna je svim zainteresiranim kandidatima za sve vrijeme trajanja sistema kvalifikacije.

Član 9.

(Upis u sistem kvalifikacije)

- (1) Zahtjev za učešće u sistemu kvalifikacije može se podnijeti za sve vrijeme trajanja sistema kvalifikacije.
- (2) Sektorski ugovorni organ ažurira listu kvalifikovanih kandidata priznavanjem kvalifikacije svakom kandidatu koji je u međuvremenu podnio zahtjev i koji ispunjava kvalifikacione kriterije.
- (3) U slučaju nastupanja promjene lične situacije kandidata u smislu člana 45. Zakona i sposobnosti obavljanja profesionalne djelatnosti u smislu člana 46. Zakona, kvalifikovani kandidat je dužan o tome obavijestiti sektorski ugovorni organ koji je uspostavio sistem kvalifikacije u roku od 7 dana od dana nastupanja promjene.
- (4) Evidencija o kvalificiranom ponuđaču se čuva. Može se podijeliti na kategorije u skladu s tipom ugovora za koji je kvalifikacija važeća.

Član 10.

(Odluka o prestanku/osporavanju kvalifikacije)

- (1) Sektorski ugovor organ može donijeti odluku o prestanku/osporavanju kvalifikacije samo ako:
 - a) kandidat prestane ispunjavati kvalifikacione kriterije iz čl. 45. i 46. Zakona;
 - b) kandidat prestane ispunjavati kvalifikacione kriterije iz čl. 47. do 52. Zakona;
 - c) utvrdi da je kandidat dostavio pogrešne informacije o ispunjavanju kvalifikacionih kriterija.
- (2) Odluka iz stava (1) ovog člana dostavlja se kandidatu u pisanoj formi u roku ne dužem od 15 dana od dana donošenja odluke i uključuje razloge donošenja takve odluke.

Član 11.

(Upotreba sistema kvalifikacije)

- (1) Sistem kvalifikacije predstavlja pretkvalifikacijsku fazu ograničenog ili pregovaračkog postupka s objavom obavještenja o nabavci.
- (2) Poziv za dostavu ponuda obavezno se upućuje svim kandidatima koji se nalaze na listi kvalifikovanih kandidata i može biti upućen najranije 30 dana nakon dana slanja na objavu obavještenja iz člana 7. ovog uputstva.
- (3) Ugovorni organ će donijeti odluku o pokretanju ograničenog postupka ili pregovaračkog postupka s objavom obavještenja o nabavci u skladu sa članom 18. stav (1) Zakona.
- (4) U slučaju ograničenog postupka, primjenjivat će se aktivnosti iz člana 26. stav (2) od tačke e) do tačke j) Zakona.
- (5) U slučaju pregovaračkog postupka s objavom obavještenja o nabavci, nakon poziva za dostavu ponuda, primjenjivati će se aktivnosti iz člana 27. stav (1) od tačke d) do tačke i) Zakona.

Član 12.

(Pravna zaštita)

- (1) U skladu sa članom 97. Zakona i na način iz člana 99. Zakona, svaki privredni subjekt koji ima ili koji je imao interes u sistemu kvalifikacije, može podnijeti žalbu na:
 - a) uspostavljeni sistem kvalifikacija i može zahtijevati uklanjanje diskriminatornih kvalifikacionih kriterija i pravila iz obavještenja o uspostavljanju sistema kvalifikacije i dokumentacije koja se odnosi na sistem kvalifikacije;
 - b) negativnu odluku o kvalifikaciji;
 - c) odluku o prestanku/osporavanju kvalifikacije.
- (2) Zalbe se izjavljuju u rokovima iz člana 101. Zakona.

Član 13.

(Završne odredbe)

Ovo uputstvo stupa na snagu osmog dana od dana objavljivanja u "Službenom glasniku BiH", a primjenjivat će se od 27.11.2014. godine.

VM broj 189/2014

27. novembra 2014. godine
Sarajevo

Predsjedavajući
Vijeće ministara BiH
Vjekoslav Bevanda, s. r.

Na temelju članka 17. Zakona o Vijeću ministara Bosne i Hercegovine ("Službeni glasnik BiH", br. 30/03, 42/03, 81/06, 76/07, 81/07, 94/07 i 24/08) i članka 85. stavak (12) Zakona o javnim nabavama ("Službeni glasnik BiH", broj 39/14), Vijeće ministara Bosne i Hercegovine, na prijedlog Agencije za javne nabave Bosne i Hercegovine, uz prethodnu suglasnost Odbora Agencije za javne nabave Bosne i Hercegovine, na 113. sjednici održanoj 27.11.2014. godine, donijelo je

NAPUTAK O USPOSTAVI I VOĐENJU SUSTAVA KVALIFIKACIJE

Članak 1.

(Predmet)

- (1) Ovim naputkom se uređuju uvjeti i načini uspostave i vođenja sustava kvalifikacije sukladno članku 85. Zakona o javnim nabavama ("Službeni glasnik BiH", broj 39/14), (u daljnjem tekstu: Zakon).
- (2) Sustav kvalifikacije može uspostaviti i voditi sektorski ugovorno tijelo iz članka 5. Zakona.